


## Kata Pengalo – Ngalo Ras Momo



Turang ras senina ibas Tuhanta Jesus Kristus, selaku serayan Tuhan, ikataken kami mejuah-juah ras selamat wari Minggu man banta kerina. Man bandu kekelengen kami si sekali enda denga erkebaktin ibas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta, mari dage si dengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

## Kata Penaruh

=====

Wari enda bengket me kita ku bas Minggu KAKR. Arah minggu enda kita idilo segelah ngidah kerna dahin ras tanggungjawabta guna reh paguhna kiniteken anak-anakta. Anak-anak e me palas gereja si arus iperdiateken menaken kitik-kitik nari.

Mari dage si bengketi kebaktinta enda guna ngidah sura-suta Dibata nandangi anakta bage pe man banta.

### Erkata Lonceng

*(Perp. Tedis)*

### Rende

**KEE No. 235 : 1, 2, 3**

*(Serayan Kebaktin Bengket Ku Mimbar)*

**Kebaktin Minggu, 28 Juli 2024**  
**Minggu IX Kenca Trinitatis / Minggu KAKR**

<b>3</b>	<b>Votum – Salam</b> <span style="float: right;"><i>(Perp. Tedis)</i></span>
L	Ibas gelar Dibata Bapa sinjadiken langit ras doni, ibas gelar AnakNa Jesus Kristus si erdiate nandangi keperluan orangtua bagepe anak-anak, ras ibas gelar Kesah Si Badia si mpengasup kita guna nandai ras meteh tanggungjababta nandangi anak-anak. Perkuah ate ras dame si rehna idur Dibata Bapa, AnakNa Jesus Kristus ras kerembaken Kesah Si Badia ras kita kerina gelah. Amin.
P	Amin ..... Amin ..... Amin ..... <span style="float: right;"><i>(iendeken)</i></span>
<b>4</b>	<b>Berita Kerna Perbahanen Ras Sura-Sura Dibata (Invocatio)</b>
L	“Berekenlah ajar man anakndu, maka megah dengen malem atendu ibahanna” (Kuan-kuanen 29 : 17).  Erpalasken Kata Dibata enda, sipuji IA alu ras kita ngendeken : <b>KEE No. 457 : 1, 2, 3</b>
<b>5</b>	<b>Pujin Kerna Perbahanen Dibata</b> <span style="float: right;"><i>(Perp. Kundul)</i></span>
L	Keleng ate Dibata si tetap, ngarak-ngarak kegeluhen manusia ibas bertin nari seh ku sipatna.
P	Bujur Tuhan, kekelengenNdu labo kepe erleka menaken ibas bertin nari seh paksa enda.
L	Dibata mereken anak-anak ku tengah-tengah jabunta, guna dalanta naksiken ras encidahken keleng ate Dibata.
P	Terpujilah Kam Tuhan, iberekenNdu anak-anak ku tengah-tengah jabu kami guna dalam kami nehken keleng ateNdu.
L	Mari sipuji Tuhan arah ende-endenta : <b>KEE No. 458 : 1, 2, 3</b>
<b>6</b>	<b>Kinata Kegeluhen I Bas Jabu</b>
L	Adi si perdiateken ku bas kegeluhenta, mawen-mawen la si gejaw maka kegeluhenta Dibata kap empuna ras keleng ateNa si

	<p>mpegegehi kita. Anak-anak e pemere Dibata kap.</p> <p>P Ngaku kami Tuhan, megati perbahanen kami lanai sue bagi sinisurakenNdu nandangi anak kami, sabab megati kami la ngepkep anak-anak kami alu payo.</p> <p>L Anak-anakta me kap gereja si genduari bage pe pagin.</p> <p>P Ngaku kami Tuhan, kurang kel kami mereken pengajaren ras mabai dalam kempak dalamNdu. O Tuhan, alami kami ibas salah kami ras pengasup min kami guna nehken sura-suraNdu nandangi anak-anak kami.</p> <p>L Mari si pindo pergegeh man Tuhan arah ende-endenta : <b>KEE No. 124 : 2, 3</b></p>
<b>7</b>	<p><b>Kata Pergegeh I Bas Dibata Nari</b> <i>(Perp. Tedis)</i></p>
L	<p>Selaku persuruhan Dibata, aku nehken kataNa man banta kerina :  <i>“Tapi kam, tetaplah ndalanken kebenaran si rehna i bas Dibata nari si enggo iajarke man bandu dengen enggo tuhu-tuhu kam tek. Ietehndu kap ise nai si ngajari kam. Janah ingetndu pe maka kitik-kitikndu nari enggo ietehndu kerna Pustaka Si Badia, si ngasup mereken kepentaren man bandu, e me si mabai kam ku keselamatan arah kiniteken man Kristus Jesus”</i>  (2 Timotius 3 : 14 - 15).</p> <p>Mari si puji Tuhan arah : <b>KEE No. 301 : 1, 2</b></p>
<b>8</b>	<p><b>Kata Dibata</b> <i>(Perp. Kundul)</i></p>
a	<p>Marilah sibegiken Kata Dibata bagin si pemena sini ibuat ibas Kitab <b>Jesaya 49 : 14 - 17</b>. Mari siogeken secara pegancih. Sibenaken pengogenta .....</p>
49:14 L	<p>Tapi ngerana kalak Jerusalem, “TUHAN enggo nadingken kita; enggo ilupakenNa kita!”</p>
49:15 P	<p>E maka erjabap TUHAN nina, “Banci kin nande ngelupaken anakna? Banci kin la keleng atena man anak si ipupusna? Aminna pe nande ngelupaken anakna, tapina Aku la ndigan pe</p>

49:16 L	ngelupaken kam kerina.  O Jerusalem, la ndigan pe kam Kulupaken! Sabap i bas tapak-tapak tanKu, gelarndu enggo Kusuratken.
49:17 P	Pedas me reh kalak si manteki kam mulihi, o Jerusalem, janah lawes me kerina kalak si enggo ncedaken kam.  Ketuahen kalak si megiken Kata Dibata, dengen si makekenca I bas geluhna si tep-tep wari. Haleluya.  Ialoi perpulungen alu ngendeken :  <i>Haleluya ....</i>  <i>Haleluya ....</i>  <i>Haleluya ....</i>

b	Ertoto guna Khotbah
c	Khotbah : <i>Matius 19 : 13 - 15.</i> Tema : <b>“Jesus Masu-masu Danak-danak”</b>
d	Ertoto kenca khotbah
<b>9</b>	<b>Pengakun Kiniteken</b> <span style="float: right;"><i>(Perp. Tedis)</i></span>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
<b>10</b>	<b>Persembahen</b> <span style="float: right;"><i>(Perp. Kundul)</i></span>
L	<p>Kata Dibata si jadi palas i bas kita nehken persembahen pengataken bujurta man Dibata :</p> <p><i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur” (Roma 12 : 1).</i></p> <p>Tupung sipepulung persembahenta rende kita arah : <b>KEE No. 343 : 1, 2, 3</b></p> <p>Pertoton Persembahen ras Syafaat</p>
<b>11</b>	<b>Perpadanen Man Dibata</b> <span style="float: right;"><i>(Perp. Tedis)</i></span>
L	O Senina ras Turang, Enggo icidahken Dibata keleng ateNa arah

	<p>anak-anakta. Kai dage padanta man Dibata i bas ngaloken kelenga ateNa e ?</p> <p>P Erpadan kami Tuhan, njaga dengen engkelengi anak-anak kami</p> <p>L Mbelin kel sura-sura Dibata nandangi anak-anak si ipelimikenNa man banta, subuk nandangi jabuta, gereja ras masyarakat.</p> <p>P Erpadan kami Tuhan guna ngepkep anak-anak kami i bas erkiniteken, pengajaren ras kegeluhenna i doni enda. Seh maka anak-anak e jadi pasu-pasu nandangi jabu, gereja ras masyarakat.</p> <p>L Mari si peteguhi perpadanenta enda arah ende-enda : <b>KEE No. 460 : 1, 2, 3</b></p>
<b>12</b>	<b>Pertoton Tuhan</b>
<b>13</b>	<b>Pengutusan Ras Pasu-Pasu Dibata</b>
L	<p>Berkatlah kam ku kegeluhendu sekalak-sekalak, pebelin-belinlah anak pemere Dibata, ajari dengen tegu-tegu ia bagi ngena ate Tuhan. Guna si e, alokenlah pasu-pasu idur Dibata nari :</p> <p><i>“Ipasu-pasu janah ikawali Dibata kam; demi, dengen pekenakena doni enda guna kemulian gelar Bapandu si ni Surga. Dibata tetap ras kam seh ku kedungen zaman” Amin (Bdk. Bilangen 6 : 24 – 26).</i></p>
	<p>Ialoi perpulungen alu ngendeken :</p> <p>A..min A....min A .....min</p>
	<b><i>SELAMAT HARI MINGGU/SYALOOM.....</i></b>